

Nunat Avannarliit Killiit Siunnersuisoqatigiiffiata aalajangersagaanik nr. 6/2010-mik, ataani allassimasutut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut:

Nunat Avannarliit Killiit Siunnersuisoqatigiiffiata Kalaallit Nunaanni Naalakkersuisut kaammattorpai Kalaallit Nunaata Kangiata (Tunup) allatut pilersorneqarsinnaane-ranut periarfissanik misissuisitseqqullugit, pilersuisussaatitaanermut isumaqatigiissutip atuuttup tamatumunnga aporfissaqartitsisinnaaneranik naliliinertalerlugu.

(Inatsisartut siulittaasuat, Josef Motzfeldt)

Akissuteqaat

(Ineqarnermut, Attaveqarnermut Angallannermullu Naalakkersuisoq)

Siullermeerneqarnera

Aallarniutigalugu Inatsisartut siulittaasuata Tunumut tunngatillugu soqtiginninera pissutaalluni Nunat Avannarliit Killiit Siunnersuisoqatigiiffianni suliaq aallartinneqarmat qutsavigerusuppara.

Tunumi pilersuinermut tunngatillugu allatut periuseqartoqarsinnaanera eqqarsaatigalugu misissuisoqarnissaa, kiisalu ingerlatsisinnaanissamut akuersisummut isumaqatigiissummi atuuttumi killiliisoqarnersoq pillugu naliliisoqarnissaa Nunat Avannarliit Killiit Siunnersuisoqatigiiffiata inassuteqaammini kaammattuutigaa.

Tunup pitsaanerusumik pilersorneqarnissaata kissaatigineqarnera Naalakkersuisunit paasilluarneqarpoq, akissuteqaalli manna aqqutigalugu sooq misissuinermik aallartitsinissamut siunnersuut taperserneqannginnersoq nassuaatigerusullugu.

Tunup imartai immap sikuunik avannaaniit kujammut illuariartortartunik ulikkaartarput. Illoqqortoormiut avannaata imartaa ukioq kaajallallugu sikuusarpoq. Kisiannili Illoqqortoormiut kujataanni imarortitlernerata sikullu siammariartornerisa kingunerisaannik tamaani ukiup qanoq ilinera annertuumik allanngorartarpoq. Taamaattumik piffissaq umiarsualiviit tикинneqarsinnaaffiat ukiumit ukiumut nikerartarpoq. Tunumut umiarsuit siusinnerusukkut tikittarnissaat Naalakkersuisut sulissutigiuarpaat. Pilersaarusiornissaq eqqarsaatigalugu – atuisuni umiarsuaatileqatigiinnilu –umiarsuit angalanissaannut pilersaarut ukiup tulliani atorneqartussaq ukiup naanerani akuersissutigineqartarpoq. Pilersaarusiornermi tessani ukiumi tulliuttumi sikup inisisimanissaanut ilimagisat tunngavigineqartarput. Taamaattorli tamanna eqqoqqissaartumik eqqoriarneqarsinnaaneq ajorpoq. Tamatumunnga atatillugu ilisimatissutigineqassaaq, 2011-mi Tasiilaq 2010-mut naleqqiullugu sapaatit akunnerinik pingasunik sioqqutsisumik tикинneqarnissaa, aammalu umiarsuup kingulliup tikinnissaata 2010-mut naleqqiullugu sapaatit akunnerinik marlungajannik kingusinnerusumik tikinnissaa pilersaarutigineqarmat.

Tamatuma saniatigut Tunumi innuttaasut ikittunnguupput, nunarujuussuarmi siammasissumiillutik (22. marts 2010-mi Tasiilaami Illoqqortoormiunilu nunaqarfiiit ilanggullugit 3.500-ngajaapput), kiisalu nassiussat ikittuinnaasarlutik. Tunumi sumiiffiit

isortunerat nassiuussallu ikittuinnaarsarnerat pissutaallutik nassiusanik assartuisarneq aningaasaqarnikkut pitsasumik tunngavissaqanngilaq.

Sullissisumut ataasiinnarmut ingerlatsisinnaanissamut akuersissuteqartoqarnera pitsaaquteqarpoq pitsaangequteqarlunilu. Piginnittup sumiiffinnut aningaasaqarnikkut iluanaarfiusinnaanngitsunut pilersuinermerik qulakkeerinissamik pisussaaffilerneqarsinnaanera pitsaaqutit ilagaat. Tamanna sumiiffiit aningaasaqarnikkut iluanaaruteqarfiusinnaasut sumiiffinnut iluanaaruteqarfiusinnaanngitsunut taperseeqatigiissinnerisigut pisinnaavoq. Sumiiffimmi qilersorsimanngitsumik unammilleqatigiissitsisoqarsinnaannginnerra pitsaanngequtaavoq, tassami angallavinni sinneqartoofiusuni sullisisut allat sulilernissaat akuerineqassappat, piginnittup aningaasaqarnikkut iluaqtissai nungutinneqartussaapput.

Tunumut Tunumiillu nassiusanik pilersuinermerik ingerlatsisinnaanissamut akuersissut taamaatinneqassappat, pilersuinerup isumannaassusaanik qulakkeeriniarluni allatut ilusiliisoqartariaqassaaq. Pilersuineq qulakkeerniarlugu pisussaaffit nuunneqarnissaat pisariaqalissaaq. Taamatut iliornermi Nunap Karsiata artukkerneqannginnissa siunnerfigineqassappat, sullisisussamik, soorlu kiffartuunneqarnissamik isumaqatigiissutitit ittumut tapiiffigineqarani, imaluunniit nassiuussanut akinik qaffaanissamut, taamaalillunilu Kalaallit Nunaata sinneranut naleqqiullugu akinik allanngorartunik atuutsitsilernissaat periarfissinneqarani, pisussaaffimmik taamaattumik tiguserusuttumik, nassaarsinnaanissaq pisariaqarpoq. Matatuma saniatigut piffissami isumaqatigiissuteqarfiusumi sivisuumi aaqqiissutissat siunissamut ungasissumut atuuttusat pisariaqartinneqarput, taamaalilluni sullisisut tassanngaannartumik isumaqatigiissummik taamaatitsinissaat aammalu Tunup pilersorneqarunnaarnissa pinngitsoortinneqassammat.

Pisussaaffiup Islandimi suliffeqarfimmut namminersortumut tunniunneqarnissa aalajangiunneqassappat, pilersuinerup isumannaassusaanik taamatut qaffasissusilimmik qulakkeerneqarsinnaasutut isikkoqanngilaq. Tamatumunnga atatillugu oqaatigineqassaaq, Namminersorlutik Oqartussat suliffeqarfiutaannut, piginnittup umiarsuaatileqatigiiffiullu, kiisalu Kalaallit Nunaanni innuttaasut ataatsimut soqutigisaqatigiiffisaannut isumaqatigiissuteqarnissaq aaqqiissutissatut pitsaanerpaatut isumannaannerpaatullu isigineqarmat.

Siornatigut nassiuussalerisunut allanut, pilersuinerup isumannaatsuuunissaannik qulakkeerisinnaanngitsunut isumaqatigiissuteqarnermi aammalu piffissaq sivikitsoq atorlugu isumaqatigiissutinik taamaatitsisarnermi misilittagaasimasut pitsaanngitsut ilinniarfigalugit, Naalakkersuisut naliliippu, maannakkut Kalaallit Nunaanni pilersuinermi atorneqartoq naleqqunnerpaasoq. Kalaallit Nunaanni illoqarfiiit nunaqarfiillu tamarmik pilersorneqarnissamut qulakkeerinniffigineqarsimapput, tassanilu innuttaasut kalaallit aningaasaqarnikkut nammagassanik ataatsimoorussinerat aningaasaqarnikkut tunngavigineqarpoq.

Tamakku pissutigalugit siunnersuutip taperserneqannginnissa Naalakkersuisuniit inassutigineqarpoq.